

## RAMMASAMNINGUR

milli Sjúkratrygginga Íslands (SÍ) og ljósmæðra, sem fengið hafa samþykkt SÍ til að starfa samkvæmt samningi þessum um þjónustu ljósmæðra vegna fæðinga og umönnunar sængurkvenna í heimahúsum.

### 1. gr. GILDISSVIÐ

Samningur þessi tekur til löggiltra ljósmæðra sem annast sængurkonur í heimahúsum sem eru sjúkratryggðar skv. lögum nr. 112/2008 um sjúkratryggingar.

### 2. gr. AÐILD

Samningur þessi tekur til: Löggiltra ljósmæðra sem fullnægja kröfum skv. samningi þessum. Löggiltar ljósmóður sem vilja hefja störf skv. samningi þessum skulu senda um það erindi til SÍ. Umsóknareyðublað er fylgiskjal með samningi þessum. SÍ skulu svara erindinu innan mánaðar frá því það ásamt öllum nauðsynlegum gögnum berast. Í svari SÍ skal koma fram hvenær ljósmóður sé heimilt að hefja störf samkvæmt samningnum.

### 3. gr. KRÖFUR TIL LJÓSMÆÐRA

Þjónusta sú, sem samningur þessi tekur til, skal unnin af ljósmóður sem hlotið hefur viðurkenningu heilbrigðisyfirvalda.

Ljósmóðir skal uppfylla allar opinberar kröfur um faglega þjónustu, rekstur og eftirlit. Hún skal stunda góða viðurkennda ljósmæðraþjónustu.

Ljósmóðir skal gæta þess að tímasetningar á vitjunum til sængurkvenna standist sem best og gera þeim viðvart í tæka tíð, þurfi hún að breyta tíma.

Ljósmóðir skal sérstaklega gæta ákvæða laga nr. 74/1997 um réttindi sjúklinga.

Ljósmóðir skal gæta ýtrustu hagkvæmni gagnvart sjúkratryggingum landsmanna með hliðsjón af fagmennsku í starfi.

Þegar ljósmóðir hefur lokið vitjunum til sængurkonu skal hún senda tilkynningu til heilsugæslustöðvar þar um.

Ljósmóðir skal viðhalda og bæta við þekkingu sína.

SA.

4. gr.  
ÞÓKNUN

Greiðslur samkvæmt samningi þessum fara eftir gjaldskrá sem grundvallast á því að ljósmóðir starfi sem verktaki og beri sjálf allan kostnað við nauðsynleg tæki og annað sem starfi hennar fylgir, þ.m.t. bifreið. Verð hverrar einingar er kr. 195 frá og með 1. mars 2009.

**Gjaldskrá fyrir ljósmæðraþjónustu er þannig:**

Frá 1. mars. 2009

I. Vitjun fyrir fæðingu (2,0 klst.) hámark 3 vitjanir .....	28.... ein.
II. Heimafæðing, þ.e. móttaka barns og aðstoð í framhaldi af því (20 klst.) .....	468 ein.
III. Vitjun eftir fæðingu (2,0 klst.) Miðað er við umræddar vitjanir séu innan 10 daga frá fæðingu, eða hámark 11 vitjanir .....	28.... ein.
IV. Bráðaútkall til sængurkonu eftir fæðingu (2,0 klst.) .....	31.... ein.
V. Vitjun eftir keisarafæðingu (2,0 klst.) Miðað er við umræddar vitjanir séu innan 10 daga frá fæðingu, eða hámark 8 vitjanir .....	31.... ein.
VI. Akstursálag skv. 7. mgr.....	7.... ein.

Einingarverð skal breytast 1. janúar 2010 í samræmi við launa- og verðlagsforsendur sem liggja til grundvallar fjárveitingum til heilbrigðisstofnana á fjárlögum ársins 2010.

Með bráðaútkalli er átt við útkall sem er ófyrirséð og óhjákvæmilegt vegna breytts heilsufarsástands móður eða barns. **Þegar gerður er reikningur fyrir bráðaútkall skal skila SÍ greinargerð þar sem tilgreint er á hvaða tíma farið var í útkall og ástæða þess.**

Þurfi ljósmóðir að leita aðstoðar á sjúkrahúsi vegna fæðandi konu á ljósmóðir rétt á greiðslu fyrir þann tíma sem hún hefur sinnt konunni.

Kalli ljósmóðir á aðra ljósmóður til aðstoðar við heimafæðingu, fær sú síðarnefnda greitt sem nemur 2 vitjunum, skv. tl. I, enda votti móðirin aðild hennar að heimafæðingunni.

Fyrir akstur í vitjun til sængurkonu sem býr í 15 km fjarlægð eða meira frá heimili ljósmóður (miðað við stystu akstursleið) greiða SÍ fyrir hvern km umfram 30 km í hverri vitjun samkvæmt taxa fjármálaráðuneytisins miðað við 10.000 km. akstur á ári og sérstakt gjald (malarvegagjald), ef við á. Gera skal sérstakan akstursreikning með tilgreindum km-fjölda ásamt nafni og heimili sængurkonu aðskilinn frá reikningi vegna ljósmæðraþjónustu. Áskilið er að við val á ljósmóður sé þess gætt að hún eigi sem stysta leið að fara í viðkomandi vitjun. Með heimili er að jafnaði átt við lögheimili nema um styttri vegalengd sé að ræða.

SA.

**5. gr.**  
**UMÖNNUN SÆNGURKVENNA**

Heimilt er að nota gjaldskrárliði III., þó að hámarki átta vitjanir, og IV. í 4. gr. í eftirfarandi tilfalli:

- fyrir umönnun sængurkvenna sem fara heim af fæðingardeild innan 36 klst. eftir fæðingu.

Heimilt er að nota gjaldskrárliði IV. og V. í 4. gr. í eftirfarandi tilfellum:

- fyrir umönnun sængurkvenna sem fara heim af fæðingardeild innan 48 klst. eftir val-keisaraskurð án fyrirfram þekktra fylgikvilla hjá konunni,
- fyrir umönnun sængurkvenna sem fara heim af fæðingardeild innan 48 klst. eftir bráða-keisara án fyrirfram þekktra fylgikvilla hjá konunni þar sem skurður er vegna fósturstreitu enda hafi ekkert annað komið upp við aðgerðina.

Í öllum tilvikum þarf ljósmóðir að leggja fram nauðsynleg gögn með reikningi skv. 8. gr.

Í þeim tilfellum að um fjölbura-fæðingu hefur verið að ræða greiðist 50% álag á gjaldskrárlið III.

Í september 2008 fór Landspítalinn af stað með formlegt rannsóknarverkefni (gæðaverkefni) sem gengur út á flýttibata meðferð eftir keisaraskurð. Gert er ráð fyrir að niðurstöður þessa rannsóknarverkefnis liggi fyrir að tveimur árum liðnum en þá munu forsendur greiðslna fyrir snemmútskriftir keisarafæddra kvenna skv. samningi þessum verða teknar til endurskoðunar.

**6. gr.**  
**SKÝRSLA UM FÆÐINGU Í HEIMAHÚSI**

Ljósmæður gefa út sérstaka skýrslu um hverja fæðingu í heimahúsi. Skal móðirin fá afrit af henni til þess að framvísa hjá viðkomandi umboði SÍ með umsókn um dagpeninga vegna fæðingar í heimahúsi, sbr. 11. mgr. 32 gr. laga um sjúkratryggingar nr. 112/2008.

**7. gr.**  
**GREIÐSLUÞÁTTAKA SÍ**

SÍ greiða ljósmæðrum fyrir að annast sængurkonur við fæðingar sem fram fara utan fæðingarstofnana þar sem greitt er fyrir vistunina, sbr. þó 5. gr.

Sængurkona greiðir ekki fyrir þjónustu sem veitt er samkvæmt samningi þessum sbr. 3. tl. 29. gr. laga um sjúkratryggingar nr. 112/2008.

**8. gr.**  
**GREIÐSLUTILHÖGUN**

Reikningar ásamt tilheyrandi gögnum sbr. 5. og 6. gr. skulu sendir SÍ í því formi, sem lög gera ráð fyrir og að öðru leyti uppfylla þau skilyrði, sem sett kunna að verða.

S.A.

Reikningar skulu vera fyrirfram tölusettir. Þeir skulu vera með nafni og kennitölu ljósmóður. Jafnframt skal koma fram nafn, kennitala og heimili sængurkonu, hvaða dag og hvers konar þjónusta var veitt samkvæmt gjaldskrá. Ef þjónusta er veitt annars staðar en á lögheimili sængurkonu skal það tekið fram.

Sængurkona skal staðfesta með undirskrift sinni hverja vitjun ljósmóður.

Fyrirtækjum sem eru alfarið í eigu ljósmæðra er við þau starfa skal vera heimilt að senda SÍ reikninga fyrir verk sem unnin eru af ljósmæðrum sem hafa heimild til að vinna eftir samningi þessum. Einstakir reikningar skulu þó eftir sem áður merktir viðkomandi ljósmóður. Þessi reikningsskilamáti skal í engu breyta stöðu ljósmóður gagnvart sjúkratryggðum og SÍ.

Ljósmæður skulu leggja sér sjálfar til öll reikningseyðublöð og önnur gögn vegna starfsemi sinnar.

Stefnt skal að því að ljósmæður geti sent reikninga til SÍ með rafrænum hætti.

SÍ geta hvenær sem er skriflega óskað skýringa á reikningi og ber reikningseiganda að gefa þær. Meðan ekki hefur fengist skýring er heimilt að:

- greiða reikning með fyrirvara
- hafna greiðslu reiknings

Reikningar fyrir þjónustu hvers mánaðar þurfa að berast SÍ fyrir 15. næsta mánaðar. Séu reikningarnir athugasemdalausir greiða SÍ reikninga inn á bankareikning ljósmóður innan 15 daga frá móttöku þeirra.

#### 9. gr.

#### AÐGANGUR AÐ UPPLÝSINGUM

Læknar eða eftir atvikum aðrir heilbrigðisstarfsmenn SÍ skulu hafa aðgang að þeim sjúkraskrá ljósmóður er varða þjónustu hennar við sængurkonur í samræmi við 4. mgr. 45. gr. laga um sjúkratryggingar nr. 112/2008.

#### 10. gr.

#### ÁBYRGÐ

Ljósmóðir skal hafa fullnægjandi starfsábyrgðar- og sjúklingatryggingu hjá viðurkenndu váttryggingafélagi.

Auk almennra skaðabótareglna ber ljósmóðir ábyrgð á tjóni, sem hlýst af ágalla á tækjum, sbr. lög um skaðsemisábyrgð nr. 25/1991 og skal hún gæta þess að vera váttryggð fyrir slíku tjóni.

S.A.

**11. gr.  
KVARTANIR**

Ljós móðir eða SÍ geta hvor um sig óskað eftir fundi þar sem aðilar fara yfir álitamál eða kvartanir varðandi samninginn og samskipti bæði innbyrðis og við hina sjúkratryggðu.

**12. gr.  
EFTIRLIT**

Í samræmi við 1. mgr. 45. gr. laga nr. 112/2008 um sjúkratryggingar skulu SÍ hafa eftirlit með starfsemi samningsaðila sem miðar að því að tryggja að tegundir, magn, gæði, kostnaður og árangur þjónustu sé í samræmi við gerða samninga.

Eftirlit SÍ getur m.a. falist í greiningu innsendra gagna, bréfaskiptum við ljósmæður og öflun upplýsinga hjá þeim sem notið hafa þjónustunnar, sbr. 4. mgr. 45. gr. laga nr. 112/2008 um sjúkratryggingar. Ljósmæðrum er skylt að veita læknum eða eftir atvikum öðrum heilbrigðisstarfsmönnum SÍ þær upplýsingar sem stofnuninni eru nauðsynlegar vegna greiðslna skv. samningi þessum og vegna eftirlitshlutverks stofnunarinnar.

Landlæknir hefur eftirlit með að umsamin þjónusta uppfylli faglegar kröfur til reksturs heilbrigðisþjónustu og uppfylli ákvæði heilbrigðislöggjafar á hverjum tíma.

**13. gr.  
VANEFNDIR OG AÐGERÐIR VEGNA VANEFNDA**

Komi í ljós verulegur misbrestur á því að ljósmóðir uppfylli skyldur sínar skv. samningi þessum hafa SÍ heimild til að rifta honum og heimta bætur fyrir fjártjón af viðkomandi ljósmóður. Með sama hætti skal ljósmóður heimilt að rifta samningi þessum gagnvart SÍ ef verulegur misbrestur verður á því að stofnunin uppfylli skyldur sínar skv. honum. Heimild aðila til að heimta bætur á einnig við eftir að samningi aðila lýkur.

Sannist vanefndir skulu aðgerðir SÍ vegna þeirra byggjast á málefnalegum sjónarmiðum, sbr. 48. gr. laga nr. 112/2008 um sjúkratryggingar.

**14. gr.  
LOK STARFSEMI OG FLEIRA**

Ljósmóðir, sem ekki vill lengur starfa samkvæmt samningi þessum, skal tilkynna það skriflega til SÍ með þriggja mánaða fyrirvara miðað við mánaðamót.

SÍ er heimilt með sama uppsagnarfresti að segja samningi þessum upp gagnvart ljósmóður, sem uppfyllir ekki skyldur sínar skv. samningnum. Sé um misferli að ræða, geta SÍ þó fyrirvaralaust sagt upp samningnum gagnvart viðkomandi ljósmóður.

S.A.

15. gr.  
DÓMSMÁL

Rísi mál út af samningi þessum skal það lagt fyrir Héraðsdóm Reykjavíkur.

16. gr.  
GILDISTÍMI

Samningur þessi er gerður í framhaldi af samningi Tryggingastofnunar ríkisins við Ljósmeðrafélag Íslands, dags. 3. mars 2006, með síðari breytingum. Samningurinn gildir frá 1. mars til 28. febrúar 2010.

ÁKVÆÐI TIL BRÁÐABIRGÐA

Þrátt fyrir ákvæði 2. gr. samningsins geta þær ljósmeður, sem áttu aðild að eldri samningi í febrúar 2009, gerst aðilar að samningi þessum með einfaldri tilkynningu til SÍ fyrir 15. mars með gildistöku 1. mars 2009.

Reykjavík, 23. febrúar 2009

F.h. Sjúkratrygginga Íslands

Steingr. A. Áron  
Kristján Þorjónsson  
Ólafur Gunnarsson - Sjálfstjórn  
Ólafur Gunnarsson  
Tryggingaforstjóri

## Umsókn um aðild að rammasamningi ljósmæðra og Sjúkratrygginga Íslands

1. Nafn ljósmóður	2. Kennitala	
3. Dagsetning á útgáfu löggildingar	4. Meðfylgjandi sérfræðileyfi? <input type="checkbox"/> Já <input type="checkbox"/> Nei	5. Sjálfstæður rekstur hefst:
6. Aðsetur	7. Netfang	

8. Starfar ljósmóðir annarsstaðar? Hvar?
9. Eftirtalin gögn þurfa að fylgja umsókn: <input type="checkbox"/> Staðfesting á sjúklingatryggingu <input type="checkbox"/> Staðfesting á starfsábyrgðartryggingu (frjáls ábyrgðartrygging) <input type="checkbox"/> Löggilding <input type="checkbox"/> Staðfesting landlæknis á sjálfstæðum rekstri ljósmóður
10. Athugasemdir:

<b>11. Greiðslur Sjúkratrygginga Íslands skv. ofangreindum samningi skal greiða inn á eftirfarandi reikning:</b>  Banki      höfuðb.      Reikningsnr.
--

12. Staður og dagsetning	13. Undirskrift ljósmóður
--------------------------	---------------------------

S.A.